

GRUPA EGIPATSKIH TURISTA I INFLUENSERA POSJETILA DISTRIKT BOSANSKIH PIRAMIDA

Zahvaljujući uvođenju direktne avionske linije između Sarajeva i Kaira, grupa egipatskih posjetilaca, među kojima i njihovi influenseri, boravi u našoj zemlji, a u utorak 19.08.2025. godine su stigli u posjetu Visokom i lokacijama Fondacije „Arheološki park: Bosanska piramida Sunca“.

- Danas je bio poseban dan ovdje za nas u Distriktu bosanskih piramida. Imali smo jednu važnu posjetu 16 egipatskih influensera. Naime, upravo je krenula čarter linija koja direktno spaja Kairo i Sarajevo, ovo će biti sezonska linija do oktobra, nadajmo se i sljedeće godine, dakle da će direktno biti povezana dva glavna grada, BiH i Egipta. To bi moglo da omogući i turističku saradnju, povezivanje, znamo da dosta Bosanaca ide prema Egiptu, malo Egipćana, nekad kad se riješe pitanja i viza, očekujemo više i egipatskih posjetilaca. Sa grupom od njih 16 obišli smo Muzej Fondacije, tunele Ravne i dio našeg prelijepog Arheološko – turističko – sportskog parka „Ravne 2“. Svi naši gosti bili su zbilja oduševljeni i rekli su da je ovo zapravo vrhunac njihove posjete u BiH. Također, obišli su i ostale lokacije u BiH, i Sarajevo i Mostar i druge gradove, ovo im se jako svidjelo, razmijenili smo kontakte, očekujemo da ćemo početi sarađivati sa njihovim turističkim agencijama, a i da će influenseri pisati vrlo pozitivno o nama. Mi nastavljamo sa pozitivnom promocijom svega ovoga što imamo ovdje u srcu Bosne. – kazao je nakon posjete dr. Semir Osmanagić.

Ovo je prvi put da je uspostavljena direktna avionska linija između naše zemlje i Egipta, a i u narednoj godini planirana su dva sedmična čarter leta između Kaira i Sarajeva, u periodu maj – oktobar.





